

## „FORMANNAVÍSIR“

fluttar á árhátíð skipstjóra og stýrimannafélagsins „Vísir“ 1950

Alltaf stýrir Hilmi hann Eggert Gíslason Eiga slíkir skipstjórar framtíðarvon Þó stefnið fari úr bátnum hann stýrir út á Dröfn og strandar ekki nema í annarri hvorri höfn.

Óskar hann er aflakóngur öðrum finnst það þunnt Á Ólafi hann siglir en stundum nokkuð grunnt. Að eiginkonu leitar en aldrei nokkra fær enginn hefur veiðarfæri til að ná í þær.

Gisli hann er félagslyndur fylgir sinni stétt. Að fara á sjó á þáskunum nei, það er ekki rétt. Þeir sem hafa áhuga að afla nokkuð hér ætti að vera sama um það hvaða dagur er.



Það hefur verið hefð, að útbúa skemmtileg prógröm á árhátíðum Vísis. Hér sést eitt dæmi um slíkt prógram frá árinu 1985. Þar er í brenni-depli hið ágæta merki félagsins.

Gunnlaugur er skipstjóri af skipum hrifinn er. En skútu enga finnur nógu góða handa sér. Hann braskar í svo mörgu en bara upp á grin en betra væri að drekka en að gefa öðrum vin.

Magnús Bergmann skipstjóri á Jóni alltaf er. Allt er þar um borð í lagi sem að betur fer. Að sigla á bát um hafið það er sjómanninum ljúft og sjálfsagt er það stærstur þorskur sem er nógu djúpt.

Sigurður er ánægður með öll sin þorskanet, og ætlar nú á Reykjaröst að setja hraðamet, og ef á bestu miðin vilja koma skip á kreik hann klókur er og hylur bátinn sinn í mótreyk.



Siggi sonur Finnboga er fær í flestan sjó. Að fiska bara um sumarið já það finnst honum nóg og betra er á veturna og beita inn í skúr og bara að taka í nefið og snýta því svo úr.

Þorsteinn sonur Jóhannesar það er mikill kall og þarf ekki að fara í neitt hlutafélagsbrall. Skipið gengur hægar þegar skipt um mótur er hann skiptir bara aftur ef hann þarf að flýta sér.

Höf.  
Númi Þorbergsson



Framkvæmdsastjóri FFSÍ afhendir stjórnmönnum í Vísir rit safn Steinars J. Lüðvíkssonar. Frá vinstri: Harald S. Hólvík, Kristján Ingibergsson, Jóhannes Jóhannesson, Arnbjörn Gunnarsson og Ásgeir Magnússon.